

نادا خانیم النشیف!
اگر ایرانا گئدجکسینیز، اعدام ائدیلن لرین ده مزارلارینا گئدین!
آدرس لرینی بیلیرسینیز می؟

ایران لگبت+ توپلومو و یز سورگون ائدیلمیش کوپرلر، سیزین یارالی ایرانا سیاحتینیزی اونودمایاجاییق

نادا النشیف، بیرلشمیش میلتلر تشکیلاتی نین اینسان حقوق لاری اوزره عالی کمیساری نین معاوینی، ایرانلی جینسی و جینسیتی آزینلیق لار ایل لردیر سیستماتیک بیر شکیلده جمهوری اسلامی نین آیری سئچکیلیک، باسقی و زوراکیلیغینین آلتیندالار. ایران لگبت+ توپلومونا قارشى هر طرفلی بو باسقی سون ایل لرده خصوصی ایله ژینا (مهسا) امینی دئوریمیندن سونرا یئنی و داها گئنیش بیر حال آلدی.

اینسان حقوق لاری اوزره عالی کمیساری نین معاوینی، بو وضعیتده ایرانا سیاحتینیز، ایل لر بویو اینسان حقوق لاری توپلومو، سیاسی و مدنی آکتیویستلر، دینی و اثنتیکی آزینلیق لار و لگبت+ توپلومو کیمین بیرینجیل حقوق لاریندان محروم قالان شخص لره قارشى آیری سئچکیلیک، باسقی و ایشکنجه پی مشروعلاشدیرماق دیر. بو اوزدن ده جمهوری اسلامی ایرانا اولان سیاحتینیزی لغو ائتمه نیزی ایسته ییریک، خصوصی ایله بو وضعیتده کی جمهوری اسلامی، بیرلشمیش میلت لرین گرچک آراشدیرما عضولرینین هئچ بیرینه ایرانا گونلی بیر شکیلده گیرمه سینه ایذین وئرمه مییش، سیزین سیاحتینیز بو کمیته نین ماموریتینی ضعیفلندیرمک و سادجه یئنی میلادی ایله ۶۵ نفری آسان حؤکومتی رسمیته تانیماق دیر.

بو سیاحتی گیزی و یزیم خبرسز اولدوغوموز سبب لردن دولای لغو ائده بیلیمیکسینیز اگر، آن آز ایش جمهوری اسلامی نین قوربان لاری ایله سیمپاتیا قورماق، حقوق لارینی ایسته یین عایله لرله گؤروشمک، آجلیق قیرئوینده اولان قادین سیاسی محبوس لارلا گؤروشمک، ترنس بندیدنده ساخلانیلان، جینسی و جینسیتی آزینلیق لارا عایید محبوس لارلا کنترل ائدیلمه مییش بیر شکیلده گؤروشمک، سون اعتراض لاردا توتوقلانا و ایشکنجه گؤرن لرله گؤروشمک- کی «جیسم و جان ایله موجادیله» آراشدیرماسیندا ریوایت لرینی اوخویا بیلیرسینیز- و همچین جمهوری اسلامی نی بو توپلومون عضولرینینه وضعیت حاققیندا جاواب وئرمک زوروندا بوراخین.

شش رنگین «جیسم و جان ایله موجادیله» آراشدیرما راپورونو گؤره ۱۴۰۱ خالق آیاغا قالخماسیندا جمهوری اسلامی نین امنیت گوجلرینین لگبت+ اعتراضچیلاری ایله دوارانیشی اینسانلیغا قارشى جینایت دیر و بو توپلومون عضولری جینسیت اساسلی اذیت و زوراکیلیغا معروض قالماقدالار.

شش رنگ (ایرانلی لزیین لر و ترنس جندرلر شبکه سی)
سیمرغ ایرانلی کوپرلر
۳۱ ژانویه ۲۰۲۴